



KONJIC, Musala do br. 3

Identifikacioni broj: **4227099920008**

Porezni broj: **07140108**

PDV broj:

**227099920008**

Broj: 02-218-17/18

Konjic, 02.08.2018.godine

Na osnovu člana 64. Stav 1. tačka a), člana 70.stav 1,3 i 6. Zakona o javnim nabavkama („Sl.glasnik BiH“ broj 39/14), na Preporuku komisije za javnu nabavku broj 04-218-16/18 od 30.07.2018.godine, u postupku javne nabavke goriva i maziva, direktor Društva je donio

### **ODLUKU**

#### **O izboru najpovoljnijeg ponuđača**

##### **Član 1.**

Prihvata se preporuka Komisije za javnu nabavku, broj: 04-218-16/18 od 30.07.2018. godine i ugovor za javnu nabavku goriva i maziva, dodjeljuje se grupi ponuđača „Hifa Petrol“ d.o.o.Sarajevo i „PBP“ d.o.o. Konjic, ponuda broj: JN – 3407/18 , od 17.07.2018. godine, za ponuđenu cijenu od 89.951,49 KM bez PDV-a i rokom plaćanja od 60 dana, kao najbolje ocijenjenom.

##### **Član 2.**

Prijedlog ugovora o nabavci dostavit će se na potpis izabranom ponuđaču- grupi ponuđača „Hifa Petrol“ d.o.o.Sarajevo i „PBP“ d.o.o. Konjic, po proteku 15 dana, računajući od dana kada su svi ponuđači obaviješteni o izboru najpovoljnije ponude.

##### **Član 3.**

Za izvršenje ove odluke zadužuje se i ovlašćuje Služba opštih i pravnih poslova.

##### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71.stav 2. Zakona o javnim nabavkama BiH.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj:02-218/18 od 04.07.2018. godine.

Javna nabavke je sprovedena otvorenim postupkom.

Procijenjena vrijednost javne nabavke bez PDV- a je 98.000,00 KM.

Obavještenje o nabavci broj: 790-1-1-10-3-6/18 poslato je na objavljivanje dana 05.07.2018.godine , a objavljeno je na Portalu javnih nabavki dana 05.07.2018 godine, sažetak obavještenja o nabavci objavljen je u „Sl. glasniku BiH“ .

Komisija za javnu nabavku imenovana je Odlukom broj: 02-218-1/18 od 04.07.2018. godine.

Prema izvještaju o preuzimanju tenderske dokumentacije od strane ponuđača, tendersku dokumentaciju je preuzelo 10 (deset) ponuđača i to:

1. Ekapija d.o.o.
2. D.o.o. Petrol-P
3. Petrol BH Oil Company d.o.o.
4. PBP d.o.o.
5. BBS Europe
6. G- Petrol d.o.o. Sarajevo
7. Hifa Oil d.o.o. Tešanj
8. Holdina d.o.o.
9. Hifa Petrol d.o.o. Sarajevo

Ispravku tenderske dokumentacije preuzelo je 6 ponuđača:

1. Hifa Petrol d.o.o. Sarajevo
2. PBP d.o.o
3. Holdina d.o.o.
4. BBS Europe
5. Ekapija d.o.o.
6. Energopetrol d.d. Sarajevo

Komisija za javnu nabavku dostavila je: Zapisnik o ocjeni ponuda broj: 04-218-15/18 od 30.07.2018. godine, Ocjenu ponuda broj:04-218-14/18 od 30.07.2018godine i Preporuku o izboru najpovoljnijeg ponuđača broj: 04-218-16/18 od 30.07.2018.godine, u postupku javne nabavke goriva i maziva.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu ponuda, o čemu je sačinila odgovarajuće zapisnike, u kojima je utvrđeno sljedeće:

- Da je ukupan broj pristiglih ponuda 3
- Da su blagovremeno zaprimljene 3 ponude
- Da nije bilo neblagovremeno zaprimljenih ponuda
- Da su ponude ponuđača- grupe ponuđača „Hifa Petrol“ d.o.o. i „PBP“ d.o.o. Konjic i ponuđača „Holdina“ d.o.o. Sarajevo prihvatljive
- Da je ponuda ponuđača „Petrol BH Oil Company“ d.o.o. Sarajevo neprihvatljiva

U postupku donošenja ove odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Članom 9. stav 4 Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E – nabavke“ („Sl. glasnik BiH“ br 90/14 i 53/15), propisano je da ukoliko ugovorni organ objavi tendersku dokumentaciju u sistemu „E – nabavke“ tenderska dokumentacija se ne može dostavljati na druge načine predviđene članom 55. stav 1 tačka od a) do c) Zakona o javnim nabavkama BiH („Sl. glasnik BiH“ broj 39/14)

Prilikom otvaranja ponuda i uvidom u Izvještaj o preuzimanju tenderske dokumentacije od strane učesnika predmetnog postupka od 25.07.2018.godine, Komisija je konstatovala da ponuđač „Petrol BH Oil

Company“d.o.o.Sarajevo nije preuzeo Izmjenu tendereke dokumentacije za javnu nabavku goriva i maziva broj: 04-218-10/18 od 16.07.2018.godine, te nije dostavio sljedeće dokumente koji su zahtjevani Izmjenom tenderske dokumentacije:

1. **Izjavu o ispunjenosti uslova iz člana 47. stav (1) tačka c i (4) ZJN, ovjerenu od strane ponuđača koja se dostavlja u formi utvrđenoj u Prilogu IX (izjava ne smije biti starija od datuma objave obavještenja za predmetnu nabavku)**
2. **Pozitivan bilans uspjeha za period od tri posljednje finansijske godine, ili od datuma registracije, odnosno početka poslovanja ako je ponuđač registrovan , odnosno počeo sa radom prije manje od tri godine , ukoliko je objavljivanje poslovnog bilansa zakonska obaveza u zemlji u kojoj je ponuđač registrovan.**  
**Ako ne postoji zakonska obaveza objave bilansa u zemlji u kojoj je registrovan ponuđač, dužan je dostaviti izjavu ovjerenu od strane nadležnog organa da je ponuđač ostvario pozitivan bilans uspjeha za posljednje tri finansijske godine za koje se raspolaže podacima ili od datuma registracije odnosno početka poslovanja ,ako je dobavljač registrovan odnosno počeo sa radom manje od tri godine. (obične kopije traženih dokumenata)**
3. **Izjava ponuđača, ovjerena kod nadležnog organa, pod punom materijalnom i krivičnom odgovornošću da posjeduje ili da je obezbjedio prodajni objekat (benzinsku stanicu) na teritoriji općine Konjic, a koja nije udaljena više od 7 kilometara od sjedišta ugovornog organa, sa navođenjem tačne adrese istih, te koja je data kao Prilog X ove Tenderske dokumentacije.**

Zbog svega navedenog ponuda ponuđača „Petrol BH Oil Company“ d.o.o. Sarajevo se u skladu sa članom 68. stav 4. tačka j) Zakona o javnim nabavkama odbacuje, jer ponuđač nije preuzeo izmjene tenderske dokumentacije sa Portala javnih nabavki te shodno tome nije dostavio tražene dokumente kojima dokazuje ispunjavanje uslova zahtjevanih Izmjenom tenderske dokumentacije.

U postupku ocjene provedenog postupka, direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima i tenderskim dokumentom. Uvidom u priloženu dokumentaciju, neosporno je da je izabrani ponuđač najbolje ocjenjen zbog:

Ekonomski najpovoljnije ponude, odnosno broja bodova izračunatih na osnovu kriterija utvrđenih u obavještenju o nabavci i tenderskom dokumentu, kako slijedi:

|    | Naziv/ime ponuđača   | Potkriterij cijena<br>Broj bodova | Potkriterij rok plaćanja<br>Broj bodova |
|----|--|-----------------------------------|---|
| 1. | Grupa ponuđača „Hifa Petrol“ d.o.o. Sarajevo i „PBP“ d.o.o. Konjic | 70                                | 30                                      |
| 2. | „Holdina“ d.o.o. Sarajevo  | 69,55                             | 30                                      |
| 3. | -  | -                                 | -                                       |

|    | Naziv/ime ponuđača   | Ukupan broj bodova |
|----|--|--------------------|
| 1. | Grupa ponuđača „Hifa Petrol“ d.o.o. Sarajevo i „PBP“ d.o.o. Konjic | 100                |
| 2. | „Holdina“ d.o.o. Sarajevo  | 99,55              |
| 3. | -  | -                  |

Izabrani ponuđač -grupa ponuđača „Hifa Petrol“ d.o.o. Sarajevo i „PBP“ d.o.o. Konjic je, kako je gore navedeno, ocijenjen sa ukupno 100 bodova, dok su ostali ponuđači ostvarili:

- „Holdina“ d.o.o. Sarajevo PBP D.O.O. KONJIC 99,55 bodova

Iz navedenih razloga, primjenom člana 64. Stav1. Tačka a) Zakona o javnim nabavkama,odlučeno je kao u članu 1. Ove odluke.

#### POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10(deset) dana od dana prijema ove odluke.

**DIREKTOR**

**Enver Tahirović**

Dostaviti:

- „Hifa Petrol „, d.o.o. Sarajevo (ovlašteni član konzorcija)
- „Holdina“ d.o.o. Sarajevo
- „Petrol BH Oil Company“ d.o.o. Sarajevo
- Služba za opšte i pravne poslove
- a/a